

Eodem enim mox Anno queri cœptum a quam plurimis & mox super attentatis Gallorum, supremum in hos Status dominium spirantibus, quibus frustra oppositum est Ratisbonæ Placitum trium S.R.I. Collegiorum (1), imo Præludia tantum erant ingruentis repente turbinis plane improvisi.

Erectum scilicet a Rege Brisaci Tribunal eo fine, ut reuniret Alsatiæ omnia illa, quæ aliquando ad eandem spe Etasent. Latae sententiae An. 1680. die 22. Mart. & 22. Aug. per quas supremo Regis Dominio adiudicabantur non Ciuitates solum illae decem Imperiales, sed & complures aliorum Statuum Imperii terræ in Alsacia sive vere sive prætense sitæ, sententiæque mox executioni datæ manu militari, si quis torrenti sese audebat opponere. Deductæ equidem a parte Gravatorum & omnium & singulorum rationes, quæ sententias redderent iniustificabiles & ipso Iure nullas; (2) at ubi ius in armis positum est, fortioribus opus esse ratiociniis ex eo tempore sensere.

Illusit iterum Germaniæ Gallia, dum per tractatus Francofurti instituendos rem se velle componere simularer Anno 1681. ceu ex eo patuit, quod sub ipsius Conuentus inchoandi auspicio Argentinam, Urbem Imperialem Alsatiæ primariam, hactenus Gallorum dominii expertem, occuparet; nihilque actum, præter Indignationes, Vota,

Con-

1) Quod vid. apud CORTRÉIVM ad Pac. Noviomag. p. 37.

2) Vid. *Raisons des Princes & Etats situés en Alsace contre les Réunions, qui ont été faites par la Chambre de Brisac, & ont été fondées sur une cession prétenue de toute l'Alsace*, dans les cit. Act. & Mem. l. c. p. 434. Scriptum etiam Ulricus OBERECHTVS *Alsaticarum rerum Prodromum*, Arg. 1681. 4. Librum æque rarum ac eruditum, cuius Cap. 7. deduxit, non aliud Galliæ in Alsatiæ Ius competere, nisi id, quod ex Pace Monasteriensi quæsitum ei fuerit, Cap. 8. vero in id inquisiuit, quantum Iuris Galliæ tum sit cefsum? At in alia longe patilo post abiit, mutatis & Religione, & Domino, & principiis. Conf. dicti Libri recensionem in der Hamburg. Biblioth. Histor. Centur. 3. art. 31. p. 150. seq. atque Versionem Capitis 3. Gallicam, dans les Memoir. &c. de la Paix de Ryswicens. T. 2. p. 413.